



Broj: 01-02-1-1453/18

Sarajevo, 19. 6. 2018.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 21.06/18

Organizaciona jedinica	Klasifikaciona oznaka	Redni broj	Broj priloga

**Predmet:** Prijedlog zakona o izmjenama i dopunama Zakona o akcizama u Bosni i

Hercegovini - *Mišljenje*, dostavlja se

**Veza:** akt, broj: 01-02-1-1453/18 od 18. 6. 2018.

Zakonodavno-pravnom sektoru, u prilogu akta, broj i datum veze, dostavljen je *Prijedlog zakona o izmjenama i dopunama Zakona o akcizama u Bosni i Hercegovini* (u daljnjem tekstu: Prijedlog zakona), radi davanja mišljenja o usklađenosti s članom 105. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15) te Jedinstvenim pravilima za izradu pravnih propisa u institucijama BiH ("Službeni glasnik BiH", br. 11/05, 58/14, 60/14, 50/17 i 70/17).

Prijedlog zakona podnijeli su članovi Kluba poslanika Srpske demokratske stranke: Aleksandra Pandurević, Mladen Bosić, Nenad Lalić i Momčilo Novaković uz prijedlog da se razmatra po hitnom postupku u skladu s članom 133. Poslovnika.

Zakonodavno-pravni sektor razmotrio je Prijedlog zakona te na osnovu člana 106. st. (1) i (2) Poslovnika Predstavničkog doma Parlamentarne skupštine BiH (u daljnjem tekstu: Poslovnik) daje

## MIŠLJENJE

### I. Usklađenost s odredbama Poslovnika

Tekst Prijedloga zakona, u skladu s članom 105. stav (1) Poslovnika, podnesen je u pisanoj i elektronskoj formi na srpskom jeziku.

Uz Prijedlog zakona dostavljeno je obrazloženje koje sadrži:

1. ustavni osnov za usvajanje zakona;
2. razloge za donošenje zakona po hitnom postupku;
3. obrazloženje predloženih rješenja;
4. konsultacije s relevantnim institucijama;
5. principe na kojima je prijedlog zakona zasnovan i
6. finansijska sredstva za realizaciju zakonskih rješenja, te

7. odredbe članova Zakona koji se mijenjaju, odnosno dopunjavaju,

uz napomenu da nije dostavljena odgovarajuća verzija prečišćenog teksta Zakona jer su izostavljene odredbe teksta Zakona objavljenog u „Službenom glasniku BiH“, broj 91/17.

U skladu s članom 105. stav (4) Poslovnika, mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma.

S obzirom na navedeno, Prijedlog zakona *djelimično* je usklađen s članom 105. Poslovnika.

## **II. Usklađenost s Jedininstvenim pravilima za izradu pravnih propisa u institucijama BiH ("Službeni glasnik BiH", br. 11/05, 58/14, 60/14, 50/17 i 70/17)**

Prijedlog zakona svojom strukturom i formom odražava pravila izrade pravnih propisa, kako je i propisano Jedininstvenim pravilima za izradu pravnih propisa u institucijama Bosne i Hercegovine.

Uvidom u tekst prijedloga zakona uočeno je da je potrebno izvršiti nekoliko normativno-tehničkih korekcija, kako slijedi:


U članu 3. Prijedloga zakona, predlažemo formulaciju koja glasi: „u članu 5. tačka e)“, odnosno brisanje riječi: „stav (1)“ jer su suvišne s obzirom na to da odredba sadrži samo jedan stav.

U članu 4. Prijedloga zakona predlažemo formulaciju odredbe koja glasi: „, iza tačke d) zarez se zamjenjuje veznikom i, a riječi: „i g)“ brišu se.

Također, u članu 7. Prijedloga zakona, u nazivu člana 35. Zakona, umjesto riječi „stopa“ potrebno je napisati riječ „iznos“ što je i u skladu sa stavom (2) navedenog člana kako bi odredba bila potpuno jasna.

S obzirom na navedeno, Prijedlog zakona *djelimično* je usklađen s Jedininstvenim pravilima za izradu pravnih propisa u institucijama Bosne i Hercegovine.

Rukovoditeljica  
Zakonodavno-pravnog sektora

  
Mirjana Kuranjac

Dostaviti:

1. naslovu
2. a/a